

HEI OG VELKOMNE TIL NYTT SKULEÅR ALLE SAMAN!



Vi ynskjer alle elevane hjarteleg velkomne til ein flott dag **måndag 19.aug. kl.08.30**. Alltid like kjekt å starte opp - med heilt blanke ark. Dei foreldra som kjenner at det er rett å vere med ei stund utover dagen, er sjølvstilt velkomne til det. Dette gjeld spesielt for dei nye elevane, men kan vere kjekt for andre også.

Det er få endringar i personalet. Det vert 50 elevar ved oppstart dette skuleåret.

Kontaktlærarane dette skuleåret vert:

- 1.kl (10 stk.): David Dagestad Myklebust
- 2.+3.kl.(11 stk.): Øystein Hovland
- 4.+5.kl.(12 stk.): Gloria Minkov
- 6.kl.(13 stk.): Emma Medina Welle
- 7.kl.(4 stk.): Anette Dagfinrud

Pedagogisk personale elles vert:

- *Svein-Erik Grevsnes (timelærer i matte, engelsk, symjing, kroppsøving, samf.fag, sløyd, fysisk fostring)
- *Susanne Finnøy (engelsk, spes.ped og bibliotek/leselærer)
- *Veronica Roseth (krle, norsk, uteskule, engelsk, spes.ped, kunst og handverk)
- *Isabell Engjaberg Øye (vikar for Veronica Roseth)
- *Solgun Nedreberg (spes.ped, rektor + div.)

Assistentar/SFO-tilsette og andre tilsette vert:

- *Renate Olsen er SFO-leiar og assistent i 1.og 2.klasse.
- *Andrine Vinjevoll er lærling.
- *Svein Erik har også ein vaktmeisterressurs lagt inn i timeplanen, og har ansvaret for lekseykta.
- *Iwona Adamczuk er tilsett som reinhaldar.

Leksehjelp:

Også i år vert det tilbod om leksehjelp for alle elevane i **3.-7.kl.** Dette tilbodet er gratis, og vi presiserer at det er eit tilbod og *ikkje* ei plikt. Ganske mange elevar har nytta tilbodet, og vi registrerer at det fungerer godt for dei fleste. Leksehjelpa er organisert på eine klasserommet i 1.etg., og leksehjelpar er Svein Erik. Tilbodet gjeld **måndag-torsdag 14.00-14.30**, og vi ber dei føresette til elevane på desse årstrinna seie ifrå om dei vil at deira elevar skal nytte dette tilbodet, ev. kva dagar det er aktuelt. Det er fint om de gjer det ved å svare på denne e-posten, og eg **ber om svar snarast.**

DIV.INFO

Søknadsskjema til **SFO** ligg på heimesida. Dei som søkte i vår treng sjølvstilt ikkje gjere det ein gong til. Vil minne om at SFO er ein flott arena for frileik og sosial læring. Kanskje spesielt for dei minste (1.-4.kl.), men eldre elevar som treng SFO er også velkomne til å søkje! For mange er det kanskje den einaste arenaen for uorganisert leik og samhandling med andre jamaldringar. Det er opna opp for svært fleksibel bruk av SFO. Det må også seiast at dersom vi skal greie å halde satsane på SFO så lave som dei er, er det viktig at så mange som råd støttar opp om og nyttar tilbodet.

På 1. skuledag vert det berre ettermiddags-SFO. 😊

NB! Frå 1. august 2024 får også 3.klassingane 12 timar gratis SFO i veka, så no gjeld dette tilbodet for 1.-3.klasse.

Frå 1. august 2020 var det endring i forskrift til opplæringslova om moderasjonsordningar i SFO.

[Forskrift om endring i forskrift til opplæringslova](#)

Det er ingen frist for å søke, men vedtak gjeld for eit skuleår i gongen. Vedtak gjeld frå første heile månad etter at søknad med nødvendig dokumentasjon er registrert.

Skuleruta er lagt ut på heimesida. <https://amas.pedit.no>.

DUGNAD

Nokre oppgåver er av ulike årsaker ikkje utført, og vi ser gjerne at dei som ikkje kan utføre dei oppgåvene dei er oppsette på seier ifrå, og evt. høyrer om det er andre ting dei kan gjere.

INFO OM BETALING AV SKULEPENGAR

Satsane er for komande skuleår kr. 500 pr. mnd pr. elev. Det er søskenmoderasjon ved fleire born ved skulen. Det er vedteke at alle fam. skal betale skulepengane halvårsvis, og ikkje pr. mnd. Dette lettar faktureringsarbeidet mykje, og er naudsynt med tanke på at skule- og SFO-økonomien er heilt fråskilde. SFO-fakturaen kjem som før kvar mnd. Det skal betalast for 10 mnd. pr. år, og merk at juli + aug. er betalingsfri (stopp fast trekk!).



Inkludert i skulepengane er mjølk, yoghurt og frukt kvar dag, samt utlegg til turar og andre aktivitetar.

Så ynskjer vi **VEL MØTT** til store og små.

Helsing frå rektor

Send ein sms/e-post el. ring om de lurer på noko: 97082963 (Solgun) / 700 60003/47656407 (skulen). aamaas.friskule@tussa.com